

✠

REVERENDISSIMO
PATRI 13
CAJETANO
A LAURINO,
MINISTRO GENERALI
ORDINIS
SANCTI FRANCISCI

*Galliarum Jurisdictionis Commissarij Familiae
super Recollectos.*

PRO
RECOLLECTIS GALLIÆ.
CONTRA
REVERENDISSIMUM
COMMISSARIUM
GENERALEM FAMILIÆ.

SUMMARIVM.

REVERENDISSIMO

PATRI

CAJETANO

A LAURINO

MINISTRO GENERALI

ORDINIS

SANCTI FRANCISCI

Gallicanum Jurisdictionis Commissarius Familiae
Papae Revocatus

PRO

RECOLLECTIS GALLIE

CONTRA

REVERENDISSIMUM

COMMISSARIUM

GENERALIEM FAMILIE

SYMMARIUM

SUMMARIUM.

RME. PATER.

PRO fœlici, ac prospero vestrorum Gallia Recollectorum gubernio, sa. me. Clemens VIII. per suam Constitutionem = *Pro injuncti nobis* = datam 26. Martij 1601. ad eosdem extendit Bullam pro Reformatis Italiae à Gregorio XIII. editam, in qua inter alia, habetur, quod *Minister Generalis Fratrum de Observantia TANTUM, minimè autem Provincialis, sive alij dictorum Fratrum de Observantia Prælati, aut Commissarii, in dictos Fratres Reformatos, sive illorum custodias jurisdictionem, visitandique, & corrigendi facultatem habeat* = & hoc cum decreto, & clausula irritante, cum expressa derogatione Bullæ Leonis X. *unionis* nuncupatæ, & sub pœnis excommunicationis latæ sententiæ ipso facto incurrendæ ab omnibus, qui aliquid in contrarium attentare ausi fuerint. Licet autem dicta Gregorij XIII. Bulla respectivè ad Italiae Reformatos varias passa fuerit mutationes; in Gallia tamen, ubi executio ipsius, etiam instante universo Regni Clero, à Christianissimis Regibus fuit præcepta, non solum nullæ omninò subjacuit mutationi, sed à Paulo V., Gregorio XV. Urbano VIII., & aliis Summis Pontificibus toties fuit renovata, & confirmata, quoties aliquid in contrarium fuit attentatum; unde omnes Recollectorum Gallia Provinciae inconcussæ, & inalterabiliter à solis Seraphici Patris Nostri Successoribus gubernatæ fuerunt, prout hodie à P.V. Reverendissima gubernari gloriantur; nec ullum alium unquam de Corpore Observantiæ Superiorem agnoverunt, sicuti de facto agnoscere non possunt.

Num. i:
Recurfus factus
contra Reveren-
dissimum Patre
Torre.

Pacificæ, ac quiete sic gubernabantur Recollecti Gallia, cum ex improvviso Reverendissimus Pater Joannes de la Torre in Vice-Commissarium electus litteras ad eos transmisit circulares, quibus de eadem sua electione eos monebat, ac Ministris Provincialibus præcipiebat, ut quilibet in sua respectivè Provincia easdem litteras publicari faceret, eumque de publicatione certioraret. Hæc autem mandata spreverunt Gallia Provinciales, utpotè nulla, & inania, ac directè opposita legibus Pontificiis, simul, & Regiis, necnon auctoritati Paternitatis V. Reverendissimæ, cui soli, ut dictum est, obedire gloriantur; cumque R. P. Philippus Ripert, tunc temporis Provinciae vestrae Recollectorum Sancti Bernardini nuncupatæ

A2

Pro-

Provincialis, quo ductus motivo nescio, in quibusdam Provinciæ Conventibus dictas Litteras publicari fecisset; celebrato die 9. Septembris 1741. Provinciæ Capitulo, ibique ab omnibus patribus re examinata, unanimiter fuit resolutum ac determinatum, dictam litterarum publicationem pro non facta, aut nulliter facta habendam esse; & Familiæ Commissarios à Provincia pro Superioribus nullo modo recognosci; sed ipsam immediatè Reverendissimis Ministris Generalibus Ordinis subjectam semper fuisse, esse, & fore.

His non obstantibus (quis talia putaret?) emanarunt ab eodem Reverendissimo la Torre Litteræ Patentes sub die 24. Novemb. 1742., quibus moderno ejusdem Provinciæ Ministro licentiam concedebat, intermediam anticipandi Congregationem; sed Majestas sua Christianissima, audito quod P. V. Reverendissima die 19. ejusdem mensis Novembris eandem denegaverat licentiam, dicto Provinciali inhibuit ejusdem Congregationis celebrationem. Nec tamen quievit idem Reverendissimus; sed varias iterum Recollectorum Provinciis transmisit circulares litteras, cum mandato pariter easdem publicandi; facultates transmisit quibusdam Recollectis, ut ad Patres Cordigeros transitum facerent; & præsertim die 20. Julij 1742. Patri Alexio Monturus Provinciæ Vestræ Sanctissimi Sacramenti Recollectorum, ut in Magna Franciæ Provincia incorporaretur; quæ res eo devenit, ut Minister Provincialis ejusdem Provinciæ Sanctissimi Sacramenti præfatum Patrem Monturus Apostatam, & excommunicatum declaraverit, & ut talem in tota Provincia publicaverit; & tandem apud Patrem Provinciale Magnæ Provinciæ Franciæ institerit, ut præfatum Patrem Monturus suum Religiosum sibi restitueret, prout reipsa fecit.

Videat P. V. Reverendissima, quot perturbationes, & inquietudines Vestris Recollectorum Galliæ Provinciis causent attentata à Reverendissimo Patre la Torre; quotque in posterum majores etiam oriri valeant, nisi promptum, & efficax afferatur remedium.

Humillime igitur P. V. Reverendissimam supplicat Fr. Marcus Antonius Gravois pro eisdem Recollectis Diffinitor Generalis Ordinis, nomine tum proprio, tum & plurium Provincialium, ac Patrum Recollectorum Galliæ, quorum missivas litteras super eodem negotio præ manibus habet; ut dignetur prohibere Reverendissimo Patri de la Torre, & aliis Familiæ Commissariis pro tempore existentibus, ne Recollectos Galliæ, eorumque Provincias perturbare audeant, ullumque jurisdictionis actum super illos exercere, sub poenis in præfatis Bullis contentis irremissibiliter, ac ipso

fo facto incurrendis; & pariter recollectis Gallia sub iisdem poenis inhibere, ne ad eosdem Commissarios ullum recursum facere, ac habere, aut ipsorum mandatis obedire audeant.

Reverendissime P. N. mi amantissime, & colendissime Pater = Litteras V. Reverendissimæ P. qua teneor veneratione accipi, simulque transumptum Memorialis, seu Querimoniae R. A. P. Diffinitoris Generalis Gravois, in quo ab omnibus per ipsum allegatis facillimo negotio puto me expediendum apud V. Reverendissimam P., qui, uti fidentissime spero, cum sit Judex interpellatus, erit æquissimus Advocatus.

Conqueritur R. A. P. Gravois de eo, quod Provincialibus Recollectorum Gallia miserim Patentales Conventibus intimandas; in quo nihil novi attentavi, nihilque aliud gessi, nisi quod in Regestis, & formulariis Officij mei adnotatur, & quod gestum ex ipsis constat à Reverendissimis Commissariis Generalibus Prædecessoribus; & juste quidem, cum omnes prædictæ Provinciæ Commissario Generali hujus familiae sint immediatè subjectæ, sicuti alterius familiae ipsius Commissario Generali.

Nec obstat Privilegium pro Reformatis Italiae à Gregorio XIII. concessum, & à Clemente VIII. anno 1601. ad Recollectos Gallia extensum; quia dato, quod exemptionem à Jurisdictione Commissarij Generalis familiae contineat; dùm talis extensio fuit concessa, jam prædictum Privilegium, quoad præsens institutum, erat limitatum ab ipso Clemente VIII. 2. Octobris 1600., declarante Jurisdictionem Commissarij Generalis familiae supra Reformatos in Bulla incip. *Cupientes*; cum ergo extensio Privilegiorum pro Reformatis Italiae facta fuerit ad Recollectos Gallia an. 1601., & tunc temporis Italiae Reformati nullum haberent Privilegium, quo eximerentur ab obedientia Commissarij Generalis, (nam allegatum Gregori XIII. per prædictam Constitutionem fuerat ablatum) nullum tale Privilegium Recollectis Gallia collatum fuisse dignoscitur. Videndus R. A. P. Fr. Thomas Montalvo Ex-Diffinitor Generalis in novissima Glossa Statutorum tom. 2. cap. 21. art. 1. per totum, ubi solidissime, ut assolet, omnia à R. A. P. Gravois allegata, quasi prævisa dissolvit.

Dato tamen, & non concesso, præfato, & prætenso Privilegio, illi cesserunt PP. Reformati, seu Recollecti Gallia, ut constat (aliis omisis) ex Statutis Segoviensibus ann. 1621. cap. 7., & ex Vallisoletanis anno 1670. tit. *Pro Natione Gallica* numero 4. ubi ita Statutum = *Quoniam omnes Galliarum Provinciæ tam confederatæ, seu*

Num. 2.
Responsio Reverendissimi P. de la Torre.

maiores, quàm Observantium, & Recollectorum in presenti Capitulo declarunt etiam scripto se admittere, velut suum legitimum Prælatum, Commissarium Generalem Cismontanæ Familiæ secundum Bullam Unionis electum; propterea dictis Provinciis consæderatis cum effectu datus est unus Diffinitor Generalis juxta statuta Generalia Barchinonensia, alius Observantibus, & tertius Recollectis = Et cum effectu sub prædicta conditione ex tunc nunc usque semper unus conceditur Diffinitor Generalis, sub qua ad præsens conditione adest Diffinitor Generalis pro eisdem Recollectis R. A. P. Gravois; mirum certe, quod ipse sub præfata conditione Diffinitor Generalis existens Jurisdictionem Commissarij Generalis erga prædictas Provincias, suo & illarum nomine, tam intra, quàm extra Ordinem impugnet!

Tandem pro ipsa Jurisdictione, ejusque exercitio stat omnium Commissariorum Generalium hujus familiæ praxis ab anno 1670. præcipuè usque ad præsentem, ut constat ex ipsorum Regestis in Archivio Generali hujus vestri Conventus, quæ coram illius gravissimis Patribus fuere visa, & examinata; in eis adnotatæ inveniuntur litteræ Patentales intimatæ omnibus Conventibus Provinciarum Recollectorum Galliæ, quam speciales pro visitatione ipsarum, convocatione ad Capitula, ipsorum celebratione, & præsentia; tùm Provincialibus pro celebrandis Capitulis intermediis, tùm pro incorporatione FF. Recollectorum in Provinciis Observantium; & in facti contingentia, dùm ego essem Minister Provincialis Provinciæ Cantabriæ, litteras accepi à Reverendissimo à Soto tunc Commissario Generali Familiæ, pro incorporando in dicta Provincia quodam Concionatore Provinciæ Immaculatæ Conceptionis Aquitanæ Recollectorum, & de facto fuit incorporatus. Ex quibus & aliis à me consulto prætermisis, ne molestior siam V. Reverendissimæ P., constat me nihil novi, sed juxta jus, & praxim omnium Reverendissimorum Prædecessorum, Provinciis ad me recurrentibus pro munere providisse.

Patres Diffinitorij Provinciæ Sancti Bernardini à me postulavere more solito facultatem pro celebrando Capitulo intermedio, pro quo litteras misi Patentales, pro quibus impediendis, ne executioni mandarentur, recursum habuit, & fecit R. A. P. Gravois ad Curiam Parisiensem (sicut mihi testantur iidem Patres per suas litteras apud me existentes, & ab ipsis subscriptas) & propter rationes forsam V. Reverendissimæ P. propositas obtinuit; sed ad quid talis recursus ad Tribunal Sæculare, dùm, si ratio vera, & rationabilis causa adesset, sufficeret recurrere ad V. Reverendissimam P., qui uti Supremus Ordinis Prælatus, provideret?

Ipsi.

Ipsimet Patres, & alij aliarum Provinciarum tam Recollectorum, quàm Observantium valde conqueruntur de tali recurſu, de turbatione Provinciæ, & de aliis, quæ omitto propter antiquam viri amicitiam.

Quoad litteras pro incorporatione Fratris Recollecti in Provinciam Observantiæ sub prævio hujus consensu; nescio omninò, ingenuè fateor, quid criminis in illis invenerit R. A. P. Gravois; aliàs idem sæpè commisissent adeò celebres, & venerandi Commissarij Generales à Samaniego, à Sarzosa, & à Soto, ut ex eorum præfatis Regestis constat. Ego pro certissimo habeo nullas similes à me expeditas, adhuc propositis urgentibus motivis, nisi sub conditione consensus utriusque Provinciæ, vel saltem *ad quam*. Hæ sunt, Reverendissime Pater, rationes quæ pro nunc mihi occurrunt, sicuti utrique Reverendissimo Patri, & aliis gravissimis in hoc vestro Conventu à me consultis sub paternali correctione V. Reverendissimæ P. cui in omnibus semper subditus, & subjectus humillime petens Seraphicam benedictionem, &c. in hoc vestro Conventu Matritensi 17. Novembris 1743. V. Reverendissimæ P. humillimus filius, & obsequentissimus subditus Fr. Joannes de la Torre.

Gregorius XIII. Ad perpetuam rei memoriam. Cum illius vicem, &c. Nos igitur eorundem Fratrum Reformatorum nuncupatorum quieti, & indemnitati, &c. consulere volentes, Ven. Patribus nostris S. R. E. Cardinalibus super causis Episcoporum, & Regularium deputatis, atque etiam ejusdem Ordinis Protectori causam hujusmodi audiendam, & cognoscendam commisimus, qui re mature discussa, partibus auditis, &c. Numer. 4. itaque volumus, & Apostolica Auctoritate statuimus ut Novitij Reformatorum præsentēs, & futuri annum continuum inter dictos Reformatos agant ad deliberandum an inter Reformatos prædictos permanere velint à die ingressus in Custodias, seu loca Reformatorum; si verò in familia Fratrum de Observantia professionem emisierint, & ad Reformatos de Strictiori Observantia transierint, vel in futurum transire voluerint, habeant itidem annum continuum à die ingressus ad deliberandum, an remanere in hac Strictiori Observantia voluerint.

Numer. 5. Post præsentium autem nostrarum publicationem, & dictum annum completum declaramus, prædictos professos extra Reformatos, haberi ut professos inter Custodias Reformatorum, *nec ipsos, sicut nec alios inter easdem Custodias professos ab iis, sine speciali Apostolicæ Sedis licentia, recedere posse sine Apostasiæ nota.*

Num. 3.
Constitutio Gregorij XIII. ad Recollectos Gallicia per Clementem VIII. extensa, & postea à variis Pontificibus confirmata.

A
Sub pœna Apostasiæ nō possunt Reformati discedere à Reformatione sine Sedis Apostolicæ licentia.

Num. 6. Liberum verò sit eidem Custodi, etiam nullo Mini-
stri Provincialis, vel aliorum suorum Prelatorum habito, vel re-
quisito consensu, vel licentia, nulloque cum iisdem verbo facto,
per se, vel alium juxta Tridentini Concilij formam, atque Ordini-
nis consuetudinem Novitios, necnon & Fratres Ordinis prædicti de
Observantia, tam propriæ, quàm alienæ Provinciæ reformandos,
ad Ordinem, ac Professionem, & Reformationem pro sua Custodia,
absque ullo penitus impedimento, de consilio tamen & consensu
Fratrum illius loci, pro quo recipiuntur admittere.

B
Solus Minister
Generalis, de
Corpore Obser-
vantia, est Su-
perior ipsorum.

C
Non tamen po-
test eos extra
custodiam extra-
here, collocare,
retinere.

Num. 8. Minister Generalis Fratrum de Observantia tantum, mi-
nimè autem Provincialis, sive alij dictorum Fratrum de Observan-
tia Prælati, aut Commissarii, in dictos Reformatos, sive illorum
Custodias jurisdictionem, visitandique, & corrigendi facultatem sive
per seipsum, sive per ejusdem Ordinis, etiam alienæ Custodiæ
Reformatos ipsos habeat; minimè tamen possit aliquem ad Præ-
lationem, vel officia etiam in Custodia promovere... nec etiam
de propria eorum custodia, domibusque & locis, nisi pro aliarum custo-
diarum dicta visitatione dictos Reformatos, vel eorum aliquem
amovere, extrahere, mittere, collocare, vel retinere, nisi prout in sin-
gularum custodiarum Capitulis, vel ab ipso Custode fuerit ordi-
natum.

Num. 15. Volumus tamen quod si in Capitulis Generalibus
Constitutiones aliquæ, vel Decreta præsentibus litteris, & huic ob-
servantiæ strictiori non contraria, sed quæ magis ei favere videan-
tur, ordinata fuerint, Reformati ea observare omninò teneantur.

Num. 18. Decernentes præsentibus litteras nullo unquam tem-
pore de subreptionis, vel obreptionis vitio, seu intentionis nostræ
defectu, etiam ex eo quod omnes interesse habentes, vel Fratres de
Observantia prædicti, aut quicumque alii vocati non fuerint no-
tari, argui, seu impugnari, aut sub quibusvis revocationibus, sus-
pensionibus, limitationibus, aut aliis contrariis dispositionibus, etiam
ab eadem Sede Apostolica emanatis, & imposterum emanandis
comprehendi posse; sed illas pro omnibus, & singulis prædicto-
rum Reformatorum Custodiis, Custodibus, & Fratribus Reformatis
præsentibus, & futuris semper validas, & efficaces existere, suosque
plenarios, & integros effectus sortiri debere.

D
Tollitur etiam
Cardinalibus fa-
cultas aliter ju-
dicandi; & ir-

Num. 19. Sicque per quoscumque Judices, & Commissarios qua-
vis auctoritate fungentes, etiam causarum Palatii Apostolici Audi-
tores, ac S. R. E. Cardinales, sublata eis, & eorum cuilibet quavis
aliter judicandi, & interpretandi facultate, & auctoritate, ubique ju-
di-

dicari, ac definiri debere; *necnon irritum, & inane*, si secus super his à quoquam quavis auctoritate scienter, vel ignoranter contigerit attentari. *Districtius inhibentes Generali, & Provincialibus Ministris dictorum Fratrum* de Observantia nuncupatorum, & eorum Commissariis nunc & in perpetuum pro tempore existentibus, & illorum Generalibus, & provincialibus Capitulis, personisque quibuscumque in illis congregandis, ac omnibus & quibuscumque quos præmissa concernunt, aut in posterum quomodolibet concernent; & quibusvis aliis cujuscumque dignitatis, status, gradus, ordinis, & conditionis fuerint, *ne sub indignationis nostræ, & excommunicationis latæ sententiæ eo ipso, si contrafecerint, incurrendæ pœnis*, Reformatos prædictos, illorumque Custodias, Custodes, Discretos, Officiales, & Fratres, aut alios quoscumque quos præmissa quomodolibet concernunt, aut in posterum concernent; quominus prædictis omnibus, & singulis pacificè fruantur, seu prædicta omnia, & singula suum debitum sortiantur effectum, *impedire, retardare, aut perturbare audeant, vel præsumant.*

Num. 21. Non obstantibus Constitutionibus, & ordinationibus Apostolicis præsertim *fac. rec. Leones X. prædecessoris nostri super unione omnium FF. Minorum de Observantia*, aliisque Constitutionibus, & ordinationibus Apostolicis quibuscumque... Datum Romæ die 3. Junij 1579.

Gubernatis tom. 2. pag. 401. num. 254. = Accessit tandem Regum, & Populorum applausus ad hujusce Recollectionis ampliacionem unanimi voto concurrentium. Henricus IV. Galliarum Rex ingenij omnium capacissimi de Recollectorum statu, sincera conversatione, vita exemplari, atque de singularissimo suorum ab ipsis profectu jam in seipso plane securus, eorum non Protectorem, sed amantissimum Patrem, tùm privatim, tùm publicè agere voluit; extractisque plurimis ad eorum extensionem cœnobiis, datis etiam Regiis litteris authenticè expeditis summa efficacia, & affectu plenis sub die 18. Julij 1601., sub 26. Octobris 1602., sub 28. Januarij 1603., atque sub 27. Junij 1606. Omnibus suis subditis alte declaravit, sese litteras Apostolicas ad Recollectorum favorem recepisse, vidisse, & acceptasse, proinde integram plenamque illarum executionem sub gravissimis pœnis indicens, molestiam cujusvis generis à quocumque eis inferri sub indignationis suæ interminatione prohibuit; quin & illorum protectionem etiam armata manu contra adversarios quoscumque sive Sæculares, sive Regulares omnibus, vel supremis, vel subalternis, vel infimis in toto suo Reg-

ritum, & innane declaratur quodcumque in contrarium factum fuerit.

E

Prohibitio Generalibus, Capitulis Generalibus, & cuilibet alteri aliquid in contrarium faciendi, sub pœna excommunicationis latæ sententiæ eo ipso incurrendæ.

F

Revocatio Bullæ Leonis X.

Num. 4.

Executio Bullarum Apostolicarum præcipitur à Rege, & à Regiis Consiliis

no

no officialibus alte commendavit. His etiam non contentus, ne ex privato loqui videretur affectu, Gallici Cleri universalem confessum voluit Parisiis congregatum, ut de Recollectorum stabili admissione, atque ampliatione, necnon de Conventibus per Observantes eisdem assignandis majori auctoritate tractaretur; cujus congressus unanimi consensu ad Recollectorum favorem conclamante, datis Rex gravissimis litteris ad Burdegalense, ad Tolosanum, & ad reliqua Galliarum Parlamenta graviter indixit, ut piissimum opus ab universis suis officialibus plena sinceritate protegeretur, & vivido conatu promoveretur.

Num. 5.

Clemens VIII. Tribuit Comm. Generali Familiae Joann. Franc. Maculino auctoritatem ut vice, & loco Ministri Generalis, durante absentia ejusdem PP. Reformatos gubernet.

Clemens P. VIII. Dilecto filio fratri Joanni Francisco Maculino Ord. Fr. M. S. Francisci de Observantia nuncup. Commissario Generali Cismontano = Cupientes Regimini, & gubernio Reformatum S. Francisci de Observantia oportune prospicere, ac de tua pietate, prudentia, Religionis zelo, ac in gubernando experientia plurimum in Domino confisi. Tibi durante officio tuo Commissarii Generalis ejusdem Ordinis, & absentia Ministri Generalis dicti tui Ordinis, ut vice ac loco ipsius praedictum Ordinem universum Fratrum Reformatum cum eadem auctoritate, Superioritate, jurisdictione, & facultatibus Ministro Generali totius Ordinis S. Francisci de Observantia competentibus, & competituris, in spiritualibus, & temporalibus regendi, & gubernandi plenam, & liberam auctoritatem, & facultatem tribuimus, & impertimur. . . . 2. Octobris 1600.

Num. 6.

In Congregatione Segoviensi conceditur diffinitor Generalis quatuor Provinciis confederatis, seu majoribus, quae etiam vocantur Reformatae.

Unus pariter Provinciis Minoribus, quae vulgo de familia nuncupantur.

Num. 7.

In Capitulo Romano 1625. conceditur idem jus Recollectis Galliae.

Statuta Segovien. 1621. cap. 7. tit. de Diffinitoribus Generalibus:

Unus verò ex quatuor Provinciis Reformatum in Gallia, quae sunt sequentes, videlicet Provincia Franciae, Provincia Turoniae, Provincia S. Bonaventurae, Provincia Aquitaniae recentioris, etsi quae sint illis postea aggregatae; nam ex gratia speciali, & quia Provinciae supradictae receperunt Commissarium Generalem secundum Bullam Unionis electum, concessum est illis, Diffinitorem unum in comitiis Generalibus habere.

Ibidem = Alius Diffinitor eligatur ex quinque Provinciis de familia, quae sunt in Gallia, & sunt sequentes videlicet Provincia Franciae Parisiensis, Provincia Turoniae Pictaviensis, Provincia Aquitaniae, Provincia Britanniae, Provincia S. Ludovici, & aliae cum illis conjunctae.

Statuta Romana anni 1625. ab Urbano VIII. in forma specifica Confirmata tit. pro Gallis = Eodem jure, ac Privilegio gaudeant Recollectorum Provinciae in Gallia existentes, quo duae aliae ejusdem nationis fa-
mi-

miliæ, ut videlicet suo ordine, & tempore successivo Diffinitorem habeant Generalem.

Historia Chronologica Provinciæ Parisiensis Recollectorum, typis edita anno 1677. pag. 171. = Appellatio ad Sanctam Sedem interposita à R. P. Antonio Paulat Pro-Ministro Provinciæ Arthesiæ, & Procuratore Provinciæ Parisiensis sub die 24. Maij 1670., cum protestatione nullitatis eorum omnium, quæ in Capitulo Generali Vallisoletano fieri possent contra nostram Recollectionem, & iura dictæ Provinciæ Parisiensis, quæ pro dicto Capitulo Generali citata non fuerat.

Ibidem = Decretum Consilij Status Regis datum Sancto Germano 18. Julij 1670. quo sua Majestas præcipit R. P. Hyacinto Lefeuze Provinciæ Parisiensis Vicario Provinciali, ut infra sex menses iudicium Romæ sollicitet supra appellationes interpositas contra determinata, & decreta in Capitulo Generali Vallisoletano; jubet interim nihil innovari, usquequo à Sua Sanctitate aliter decisa fuerit.

Manuscriptum in Archivio nostræ Procuræ servatum, incipiens Reverendissimo = §. *hic seriem* = illam autem appellationem prosequi, & sententiam favorabilem obtinere nobis non licuit, quia ad illam iudicandam prius erant Commissarij in Partes Galliæ deputandi. Secundo, nullo modo necesse, siquidem nihil virtute talis Decreti adversus nostra jura attentatum est; & in eadem derelicti sumus Regiminis forma, quam ab antiquis acceperamus.

Clemens X. = Sacrosanti Apostolatus, &c. Exponi siquidem nobis nuper fecit dilectus filius Franciscus Maria à Bononia Procurator Generalis Ordinis Fratrum Minorum Sancti Francisci de Observantia nuncupatorum, quod in Capitulo Generali dicti Ordinis Vallisoleti novissime celebrato, ob varias, gravissimasque causas, à venerabili Fratre Federico Patriarca Alexandrino tunc temporis nostro, & Apostolicæ Sedis in Regnis Hispaniarum Nuncio, qui dicto Capitulo præsidebat, approbatas, decretum fuit multiplicandos esse Diffinitores Generales in utraque familia ejusdem Ordinis... Cum diversis declarationibus, & ordinationibus, prout uberius continetur in Decreto Capituli Generalis hujusmodi desuper emanato tenoris qui sequitur, videlicet: Capitulum Generale ob plurima, & quidem gravia motiva censuit, & decrevit multiplicandos esse Diffinitores Generales in utraque familia, & Cismontanæ addendos quatuor: Unum, scilicet, pro Excalceatis Hispaniæ: Alium pro Gallia: Tertium pro Lusitania: Ejusque Provinciis: Et quartum

Num. 8.

Appellatio ad S. Sedem & protestatio nullitatis eorum omnium quæ in Capitulo Vallisoletano 1670. in præjudicium Recollectorum fieri potuissent.

A

Decretum Regium prohibens quancumque in Gallia innovationem, usque dum à S. Sede aliter decisa fuerit

B

Virtute Decret Vallisoletani, nihil in Gallia fuit innovatum.

Num. 9.

Summus Pontifex approbat multiplicationem Diffinitorum Generalium in Capitulo Vallisoletano determinatam, sed nullafacta mentione Jurisdictionis Commissarij Familie super Galliam.

tum pro Provinciis Tertii Ordinis tam Galliae, quam Hispaniae, & Lusitaniae, servata inter ipsas alternativa quoad hujusmodi Diffinitorem Generalem, ea tamen lege, quod vocales Tertij Ordinis Nationis Gallicanae ad Comitata Generalia deinceps accedant. Ultramontanae verò familiae addendos tres, &c. cum autem sicut eadem expositio subjungebat decretum hujusmodi paci, & Religiosae tranquillitati inter fratres tot Nationum quibus Ordo praedictus constat maximè conducibile existat... Nos... praesertim Capituli Generalis decretum auctoritate Apostolica tenore praesentium confirmamus, & approbamus... Datum Romae 26. Novembris 1670.

Num. 10.
Independentia à Commissariis reperitur in Statutis Recollectorum anno 1686. editis.

A
Idem habetur in aliis statutis anno 1698. editis.

B
Praecipit Rex omnimodam executionem dictorum statutorum.

Num. 11.
Plura reperiuntur in Archivio SS. 40. Martyrum nostram independentiam à Commissariis familiae probantia ab ann. 1670. usque ad 1723.

Statuta Recollectorum typis edita an. 1686. pag. 210. Ex Bulla Clementis VIII. pro nostra Recollectione emanata, Provinciae nostrae Soli Reverendissimo Patri Ministro Generali subduntur, & nullo modo Commissariis Generalibus secundum Bullam Unionis electis.

Alia similia Statuta typis edita anno 1698. = pag. 92. = Provinciae nostrae Recollectorum in Gallia nulli Superiori subduntur, nisi soli Ministro Generali, & nullo modo Commissariis Generalibus electis secundum Bullam Unionis.

Ibidem in fine = Decretum Consilij Status Regis confirmans haec Statuta = Ludovicus Dei gratia Rex Franciae, &c. de consilio nostri Consilij, à quo dicta Statuta fuerunt lecta... eadem Statuta auctoritate nostra Regia laudavimus, approbavimus, confirmavimus, & per praesentes propria manu subscriptas laudamus, approbamus, & confirmamus; volumus & nobis placet, quod plenum, & integrum sortiantur effectum, &c. datum mense Augusti anno 1697.

Ego infra scriptus Secretarius Generalis Curiae Discalceatorum, & Recollectorum testor in nostrae Procurae Generalis Archivio sequentia reperiri propriis oculis à me lecta, & hic adnotata.

Primo adest supplex libellus incipiens = Reverendissimo Nostro Laurentio à S. Laurentio, &c. pro immediata Recollectorum Regni Franciae subjectione soli Ministro Generali supplex libellus = & definens = Fateat Reverendissima Vestra Paternitas nostrae quieti; & prolatae jam ab eminentiori suo judicio sententiae, qua censuit nihil innovandum, immobiliter adhareat. Pag. 2. ejusdem Scripturae habetur = Porro tribus fundamentis haec immediata Recollectorum Soli Ministro Generali innititur subiectio, nempe Summorum Pontificum Constitutionibus, Regum Franciae Edictis, & praxi continua, nec interrupta. Pag. 16. 17. & 18. habetur elenchus plurium visitorum, qui super Recollectorum Galliae Provincias fuerunt deputati à Reverendissimis PP. Rhini de Po-

Politio, Petro Sormano, & Bonaventura Poerio annis videlicet 1671. 1674. 1683. 1686. 1687. 1694. 1695. 1697. 1698. & 1700.

Secundo adest in eodem Archivio alius supplex libellus Idiomate Gallico exaratus, incipiens = *Memoire sur la demande que font les Recolets d' estre maintenus dans l' etat ou ils se trouvent depuis leur etablissement en france, Sçavoir d' estre Soumis uniquement à l' aucto- rité du General de l' Ordre de Saint Francois, & nullement à celle du Commissaire de famille, qui ordinairement n' est pas Suiet du Roy.* = Et desinens = *La Reforme des Recolets est donc l' ouvrage de nos Rois de la Race de Bourbon. Ces Religieux ont dans tout les temps signalé leur re- connoissance par un attachement inviolable à la Sacrée personne & aux interets de leurs Majestés. Ceux daujourd'hui ne cedent en rien à la Re- ligion de leurs Peres. Cest pourquoi ils ont recours à la protection de sa Majesté, la suppliant tres humblement de vouloir bien confirmer par un Arrest ceux des Rois ses Predecesseurs en faveur de leur Reforme.*

3. In eodem Archivio reperiuntur plura transumpta Patentia- lium, quibus à Reverendissimis Maria Rhini, Petro Sormano, & Bonaventura Poerio deputati fuerunt Commissarii Visitatores super varias tam Observantium, quàm Recollectorum Galliae Provincias.

4. Variæ litteræ Provincialium, & aliorum Galliae Patrum, qui ad citatos Reverendissimos pro gubernio Provinciarum recursum faciebant; & inter illas adest una Epistola data Cameraci 23. Octo- bris 1684. ad Reverendissimum Sormanum scripta à R. P. Le Fev- re, tunc temporis Provinciali Provinciae Recollectorum S. Dionysii, in qua habetur = *Congregationis Generalis citatorias litteras excepi; sin- gulis Provinciae Conventibus sine mora promulgabo* = adest etiam Episto- la Reverendissimi Matthæi à S. Stephano directâ omnibus Patribus totius Nationis Gallicæ, qua eis prohibet, ne ullus Romam accedat absque sua expressa licentia, & consensu proprii Provincialis.

Tandem ibidem reperitur supplex libellus, Typis editus, & præ- sentatus Vallisoleti Patribus Capituli Generalis anni 1740. nomine Magnæ Aquitaniæ Provinciae, in quo conqueritur dicta Provincia se à septem supra centum annis Diffinitorium Generalem affecutam non fuisse, licet sola usque nunc agnoverit Commissarium Genera- lem Familiae; & addit quod tres aliæ Magnæ Galliarum Provinciae in- ter sua Privilegia quibus frui gloriantur, independentiam omnimodam à Commissario Cismontano annumerant.

In quorum fidem, &c. Romæ 27. Decembris 1743. Fr. Paulus Beauchamps Secretarius Generalis Curiae Discalceatorum, & Recol- lectorum.

Similiter in Ar- chivio Araceli- tano plura repe- riuntur eadem in dependentiam probantia tem- pore Reverend. à S. Laurentio & à Pareta.

Ego

Ego infrascriptus Archivij Generalis Ordinis Custos testor in ipso inter cetera reperiri plures litteras scriptas, & missas ad Reverendissimos PP. Laurentium à S. Laurentio, & Matthæum à Pareta jam Ministros Generales Ordinis à variis Patribus Provincialibus Observantium, & Recollectorum Galliae, quibus litteris postulant Commissarios Visitatores pro celebratione Capitulorum Provincialium; necnon alia exponunt negotia ad gubernium earumdem Provincialium spectantia. In quorum fidem hanc propria manu scripsi, & subscripsi hac die 17. Decembris 1743. ego Fr. Antonius Maria à Mediolano Archivij Generalis Ordinis Custos.

Num. 12.
*Attestatio missa
anno 1733. à
Diffinitorio Re-
collectorum Bri-
tanniae.*

Nos infrascripti attestamur iis omnibus, quorum interest, Provincias nostras Recollectorum semper fuisse immediatè subjectas soli Ministro Generali Ordinis S. P. N. S. Francisci, & nunquam ulli Commissario Generali cujuscumque suae Familiae; & immediatam illam dependentiam à solo Ministro Generali tuemur, utpotè innixam Summorum Pontificum Constitutionibus, Regum Franciae Edictis, & praxi continua, nec interrupta. In cujus fidem subsignavimus, & apposuimus sigillum majus Provinciae in Conventu Portus Ludovici hac die 20. Octobris anni 1733. Fr. Gratianus Raord Minister Provincialis Provinciae Recollectorum Britanniae. Fr. Mauritius Godefroi Exprovincialis. Fr. Anastasius de Lodu Custos Custodum. Fr. Maria Lorentinus de Lesguen Diffinitor. Fr. Angelus Maria Le Cam antiquus Sacrae Theologiae Lector & Diffinitor. F. Jacobus Abgrall Diffinitor.

*Alia Provincia-
lis Provinciae S.
Dionysij.*

Ego infrascriptus Secundò Minister Provincialis Fratrum Minorum Recollectorum Provinciae S. Dionysij in Francia testor nullum de Observantia Patrem, nisi Generalem, exercuisse unquam in nos actum jurisdictionis, nec debere juxta fundamentalem Recollectionis nostrae Bullam Clementis VIII. datam Romae 26. Martij 1601., Diplomate Regio firmatam, & Supremis Senatibus totius Regni inscriptam, &c. Datum in Conventu nostro Regio Versallienfi 22. Novembris 1733. Fr. Julianus Guesdron.

Adsunt similes attestations aliorum Provincialium.

Num. 13.
*Decretum Diffi-
nitorij, & Dis-
cretorij Provin-
ciae S. Dionysij,
contra prætensio-
nem Reverendis-
simi Torve.*

In nomine Domini, Amen = Extractum ex Actibus Capituli Provincialis FF. Minorum Recollectorum Provinciae S. Dionysij in Gallia, celebrati in Regio Versallienfi Conventu die 1. Decembris 1743.

Diffinitorium, & Discretorium Provinciae, omnibus unanimiter consentientibus, declarat, ac de novo decernit velle manuteneri in possessione immemorabili, qua gaudent omnes nostrae Recol-

cto-

etorum Galliae Provinciae conformiter ad Bullam Clementis VIII., ad Decreta suae Majestatis, ad Statuta edita, & approbata pro universa Natione, & praesertim ad Municipalia nostrae Provinciae in Parlamento placetata anno 1715., dependendi videlicet immediatè à solo Reverendissimo Patri totius Ordinis S. Francisci Ministro Generali, ac nullo modo recognoscendi auctoritatem Reverendissimi Patris Commissarii Familiae. Et approbamus quidquid usque nunc fecit, & in futurum faciet R. A. P. Marcus Antonius Gravois Sacrae Theologiae Lector, Excustos, Exprocurator Generalis, & actualis Diffinitor Generalis Ordinis, quem rogamus ut in hoc negotio Procuratoris nostri munus exerceat.

Sic terminata est praesens sessio, in quorum fidem omnes subscripsimus = Fr. Cherubinus Dumas Commissarius Visitator = Fr. Blasius Desbornes Minister Provincialis = Fr. Edmus Villemfens Ex-Vicarius Provincialis = Fr. Candidus Chalippe Provinciae Pater, & Custos = Fr. Joannes Franciscus Alixand Diffinit. = Fr. Gerius le Marie Diffinitor = Fr. Policarpus Motte Diffinitor = Fr. Benedictus Ferraris Diffinitor.

Eodem fere modo scribunt Provinciales, & Patres aliarum Provinciarum, videlicet.

Ex Provincia Britanniae = R. P. Stephanus le Goff Provincialis, & R. P. Mauritius Godefroy pro tertia vice Ex-Provincialis.

Ex Provincia S. Andrae in Belgio = R. P. Bruno Devaulx Provincialis = R. A. P. Gildardus Duflos Ex-Procurator Generalis, & R. P. Lactantius Gorlier, pro tertia vice Ex-Provincialis.

Ex Provincia S. Bernardini: R. P. Gelasius Mottet, qui fuit ter Provincialis; R. P. Marcus Antonius Aubert Ex-Provincialis; & Patres Renatus Bilhon, & Cherubinus Dumas ambo Diffinitores, & Ex-Custodes, qui etiam conqueruntur, quod P. Rippet, multa nomine Diffinitorii Provinciae agebat, ab ipso Diffinitorio omninò ignota.

Ex Provincia Immaculae Conceptionis = R. P. Honoratus Chastillon Provincialis.

Ex Provincia S. Mariae Magdalenae = R. P. Dominicus Lecureuil Provincialis: R. P. Eliseus Riollan, qui fuit ter Provincialis, & est actualis Custos. R. P. Benignus Hubert Ex-Provincialis.

Ex Provincia Lugdunensi, seu S. Francisci = R. P. Justinus Chambon Provincialis; & R. P. Alexander de la Forge pro secunda vice Ex-Provincialis.

Ex Provincia SS. Sacramenti = R. P. Anselmus Vecy Provincialis, & R. P. Martinus Beynier Ex-Provincialis. Ex

Ex Provincia Sancti Antonij in Arthesia = R. P. Antonius Hemart,
Provincialis ; & R. P. Aubertus Hazard Ex-Provincialis.
Ex Provincia Sancti Nicolai in Lotharingia = R. P. Placidus Tro-
tyanne Provincialis.

Urbanus PP. VIII. In Cathedra Principis Apostolorum.

Num. 14.
Prohibet Sum-
mus Pontifex ne
Recollekti ad Ob-
servantes tran-
seant sine spe-
ciali Sanctæ Se-
dis licentia, sub
pœnis, &c.

Nos prosperum Fratrum Reformatorum, seu Recollectorum hu-
jusmodi statum, foelicemque directionem sinceris desiderantes affe-
ctibus . . . de Ven. FF. Nostorum S. R. E. Cardinalium negotiis
Regularium Præpositorum Consilio, litteris Gregorij, & Clementis
Prædecessorum prædictorum inhærendo, Apostolica auctoritate
tenore præsentium decernimus, & declaramus Fratres Minores de
Observantia S. Francisci de familia nuncupatos ad Fratres Strictio-
ris Observantiæ Reformatos, seu Recollectos Galliæ ejusdem Ordini-
nis translato, post annum in eadem Strictiori Observantia comple-
tum, non posse amplius ad familiam redire, sed & alios quoscum-
que professos inter Reformatos nullo umquam tempore transire
posse ad Familiam, nec licere dilectis filiis Provincialibus, aut aliis
Superioribus quemquam illorum absque Sedis Apostolicæ benepla-
cito redeuntem, aut transeuntem recipere ; & qui aliàs redierint,
aut transierint, etiamsi de Superiorum suorum Regularium licentia
hoc fecerint, tamquam sui Ordinis desertores, atque Apostatas
esse puniendos ; & recipientes, pœnam privationis officiorum in
ejus Ordinis Statutis à Sede Apostolica confirmatis contentam ip-
so facto incurrere ; sicque & non aliter . . . judicari & definiri debe-
re ; ac irritum & inane, si secus, &c. non obstantibus Concordia
prædicta, ac erectione Custodiarum in Provincias, aliisque omni-
bus, &c. Dat. Romæ 5. Novembris 1626.

Num. 15.
Recollekti Gal-
liæ gubernari de-
bent juxta Bul-
las Clement. VIII
Pauli V. Grego-
rij XV. Urbani
VIII. & per sua
nationalia, &
municipalia Sta-
tuta,

Compilatio Statutorum Matrity 1734. pag. 434. Provinciæ autem
Recollectorum ad Gallicanam Nationem pertinentes gubernari de-
bent juxta Constitutiones Apostolicas pro ipsis editas à Clemen-
te VIII. Paulo V. Gregorio XV. Urbano VIII. & aliis Summis
Pontificibus ; necnon & per sua propria Nationalia, & Municipi-
palia Statuta, quæ per præsentem Compilationem nolumus abro-
gari, nec immutari, sed in suo robore permanere.